

集部

欽定

生書

清江文集卷二十八至

養銀生臣楊簡中 校對官修撰臣吳錫齡 總校官知縣臣楊懋珩 文三日事全15-序 **于** 清江文集 緩董瑨林岳泊余季 勢隱然而隆岡連 休暇無 明 所謂東市之 貝瓊 咽喉

旁千人之豐樂可想也其西八十里曰荆山與塗山對 名鳳陽而都馬其東則獨山此然一柱孙撐上為司歷 依然皆喜乃升高而望之連山拱其南長淮亘其北益 翳始懼其將雨條排而去之萬里無滓端倪呈露行者 **颼處雲氣行空中類萬騎而驅作疏作密日光吐而復** 金万口万人 也余嘗往來而未服出入上下以窮其勝是日也天風 者觀天之所距獨山東十五里為臨淮崇庸我我車馬 其地即春秋之徐漢為鍾離隋置濠州逮上之龍飛改

官闕未營朝市之位已定四十八衛列管左右統以大 行山北二三里許過雙井黄先生先生東歐大族守官 大きり はいかり 都督府馬牛馬遍野禾泰紛數偉哉天下之壯觀矣又 肅之相具固不足方今日之盛而肇大業於東南也時 神氣所鍾誕生聖人為中國人民主非偶然矣益自開 峙天外志稱山産美玉卞和以獻楚王今玉坑尚存荆 關距今越千萬年而豪傑起淮泗間如王霸之輔漢魯 南則為魯山金碧起伏若走海濤而至於皇陵信 清江文集

·忘鄉土之思不可以無述也盍以溪山勝處良友分韻 樹蔥情於是列坐石上者人之惟緩卧不能起膳奴掖 算遂至大醉而罷乃循東山歸路尤峻絕怪石虎路 之而行因顧謂諸君曰余自去年春分教中都生未當 鳳陽者五年聞余至遂延於退休之所地閒寂無市聲 少馬設芳醴薦嘉看衆亦惟然而留更起步爵劇飲 日舍所事而出遊或出遊報以風雨止今幸償其願 天復假余之美景如此覽山川之勝盡主客之歡使 無

金片四個全書

鑿方池廣以一 之序且録寄雙井云 賦詩規重遊於異日數眾曰善越翼日詩既成什余為 華亭大姓邵文博氏治園楊溪居第之東偏垣而環之 **滄洲** 一曲志

坐挹其勝循池而北則因高為亭風櫺月檻尤極宏麗

清江文集

升馬觀者以為成於造化也乃度地相方構堂若干楹

とこり目とよう

狀而奇拳拳然特起如神人出珠宫疑有雲氣昏旦上

琴書合而名之曰滄洲一曲以記稱滄洲在瀚海中周 武亦如之中闢塗屬於北垣有軒在萬行間曰緑陰軒 為小亭可坐五六客以待遊觀而想者小亭之西五十 老槍祭天修楊夾道不知有三伏時由亭左行百武又 之下溝以通衆水之來銷銷有聲曰流月其西軒曰樂 回五萬里其人千歲不死有飛樓涌閣皆金銀氣有琅 不同而外旋大澤中俯平野彷彿其一曲已戶者謹高 /產紅鱗白鳳所集中國之人莫能至者此雖廣袤

金分口屋台書

巻ニナ六

二年又奉命分教中都生涉江沂淮遇麟於道從而訊 其所猶歷歷在目每稱東南之雄於貨者非一而能有 出埃塩而超鴻濛也後值兵變余挈家南還攜李回思 爛漫如春於是置酒命客共酌於下自畫抵夜圓魄中 子麟書服報往時十月始寒風高氣烈而海常數本花 鑰非魁人碩士鮮克造是且不遠二百里招來余誨其 林壑之趣莫若文博馬洪武六年余起為國子助教越 天微雲盡飲二小姬出彈等歌以和之極聽而罷恍然

欠三日五日日三一清江文集

為滄洲則山川是子否那今麟之居豫上也亦以其地 其地有秀可趙漁於川有鮮可食其適無異昔之滄洲 年固不得守邱墓為戚近築室平岡之下獨與母居藝 野草矣為之潸然涕下後數訪余成均因言去鄉里七 為瀉洲則池臺是乎否那人之常情恒由境變的會於 有會於心而不繁於境也若文博之居雲間也以其地 一曲故揭舊名于楊先生幸志之余惟隨遇而安者必

之則文博已沒且徙家臨淮之東屯而圃復湮為荒煙

金万世后名言

不能與之角益混淪磅礴鍾其妖於中國使人狂走爭 極耳目之玩視溶洲之樂不啻也麟方辱於流離轉 心齊之為一 大三日年 日日 歐陽文忠公記洛陽風土稱其花直五千雖出於越者 而不易其樂非讀書求道而幾乎達者能之邪故詳 以記之且寓感今思昔之意凡廢興之跡尚有徵於斯 葵軒記 一致孰非神仙之所居邪然文博當全盛時 清江文集

洛陽風土所尚不知者非其昧高下之辨所謂黜西子 觀其美不足稱也有可稱之美者葵子葵易生而不以 視至於傾陽以庇其本皆未有及之者故余好之甚於 其地後開而不以其時無一本五千之直人皆棄而弗 而可忘哉唐杜甫落落不偶問關兵馬之間至奉先所 而尊無鹽其亦弗之察耳既而思之奏猶傾陽人有君 引奏自况人之奏已計當時勢位之尊顯融一時者 可勝數禄山破關中忍忘所事而北面臣屬則如葵

金万世居己言

尚益属其如葵者毋慕彼區區以色忧人為妖者 之幸者視杜甫徒懷耿耿而不白於世以終益相萬也 · 并題曰葵軒寄意深矣累求余為記故論之如此雖然 余與德雄同為國子助教五年託於清光之下尤為葵 吴門儒者金德璡氏讀書之所左右種葵百本不雜眾 人有不可回之心所以異於人然貴非所貴而賤其所 之傾陽抑何尠邪嗚呼物有不可奪之性所以異於物 可貴實天下古今之同病非獨奏也可不重有所感乎

士而遠近以為際此其可慶者二也至於元季兵變州 齊先生於既休之日府君神完而氣充以享滑甘之養 此其可慶者一也及惟中以明經選逐首東南計借之 其堂曰具慶記未有所屬也乃馳書中都為請余辱交 禮部尚書毘陵張公惟中有先府君錫山之居第而顏 十五年而知之為深其居錫山也與弟安所奉府君止 成苦於殺戮焚燒而毘陵當南北必爭之地人民幸 具慶堂記 一莫不以富贵為事惡知有重於富貴者使惟中不得事 親所以交相愛而更相頌者豈果在於牛羊數豈果在 於鐘鼓之奏歟葢有足於內而發於外者也較茲三者 慶不過述公卿有田者既祭而燕之一節耳然同姓之 其小大何如哉特取其語以明之而已止齊既沒兄弟 而免者纔十一父子兄弟固不能保其俱存也惟張氏 不及此又可為慶者三也當讀楚茨之詩其曰莫怨具 /友愛尤篤具慶之樂先後猶一日馬大抵人之恒情

大三日日とは

清江文集

壽且康鶴髮雕看讀書有子亦既先登如稼而獲如賈 有不可同者繇其出於天而非人之能致也止齊有其 鄉人之榮鄉人是歌余聞而數曰此天下之所同欲而 成於冥冥已故邑中為之歌曰積之既厚慶必從之翁 門克完以安歲時伏臘更賀交歡吹塤吹箎如春之 而贏三吳繹騷兵鬬於疆肉人火居號呼出七嗟公 府君而骨內離散死亡雖今起為侍從官高車腳馬赫 時亦宣其所樂乎斯足驗其種德之符若有神明 和

金牙口屋台書

卷二十六

繩將有所勸而不替矣因叙其事并録其詩為具慶尚 福而慶之於前惟中又能延其福而慶之於後繼繼 記

活水軒記

活水軒者山陰儒者張德麟氏遊息之所也德麟早

員奇氣以與時义牙遂去講學鑑湖之上十有餘年所

蓄益大所造益精矣又取乎水者示其不息之義也翰

林承古金華宋公景濂為作古篆三大字以貽之且求

收定四車全馬

清江文集

余為記辭弗獲乃復之曰天下之水不一 術必觀其瀾又曰原泉混混不舍晝夜學者宜求其道 惡能盡其奇觀而亘古亘今若是邪故孟子曰觀水有 既盛則前之往者不止而後之來者不已故狂瀾巨浪 出於崑崙漢出於嶓冢濟出於王屋淮出於桐栢其本 也必觀水之大者乎水之大者其出有源江出於岷河 **洩池沿之所蓄作盈作酒曾不及乎朝暮未足以為觀** 日益月高浩浩沄沄破山走海孰得而禦之苟為無繼 而谿谷之所

絕之而明是不可不致力於正學而無感於彼馬使處 欠足四事全事 一清江文集 此邪姑因而發之耳雖然梗於木石泪於泥沙水從之 特谿谷池沼而已也不亦悲夫顧余之淺陋何足以及 皆不及程子未子以其如江如河者茫然未睹所睹者 喻而可見者莫過於水馬然言者或珠其大經大本此 矣嗚呼道之廣大淵深非一曲之能盡亦非一物之 而壅矣決之而流亂於術數則於功利道從之而隱矣 百家之說雖多而皆不及孔子孟子唐宋之文雖盛而 能

膠膠擾擾之中沈溺以沒身者固未能至而德麟有志 越大姓江潘遠氏世居奉化之黄甘里地勢斗絕四山 態考耀於世為工哉此余之所深望也是為記 於道殆過尋常萬萬必將沒其源而達其流庶幾不局 環拱而南屏一峰斬然特起狀類玉几上可坐數百人 下有東西兩溪合流至長溪折而入於鄞江又有日峰 小而有以充之至乎大宣徒資其文辭以極波瀾百 宜晚堂記

金只以方人

卷二十六

教授至濟遠克世其學早受知中朝士大夫舉秀才歷 馬六世祖其宋保義郎子怡齊由太學上舍試補臨安 殊矣因葺舊廬中與之堂題曰宜晚日肆意圖書而不 官至福建行省照磨尋升檢校官以憂家居而代革勢 時其左剡水紆其右益四明形勝之一濟遠又據其勝 晚固異乎旦矣歲之晚固異乎春矣時之晚固異乎少 復出矣介趙公木仲來求記乃為之說曰山之秀也宜! 日之晚木之茂也宜歲之晚人之守也宜時之晚日之

文正四年から

清江文集

方之志施於既耄欲與新進争前則暗濟遠者視彼弱 勞苦焉是亦宜也二十年中變故多而形貌改思慮深 孰與困之全於是盤桓林壑之間嘯傲風埃之表尤為 宜也夫退休之跡見於春秋方盛之時則怠而馳騁四 而血氣衰回視向之銳於進者熟與鈍之久榮於前者 淮上太行觀黃河風波之險阻水雪之像栗未當憚 晚而益智豈不宜乎初濬遠汲汲於一試涉大江走長 壯矣而以為宜者何也山晚而益佳木晚而益堅人亦

金牙口尼白書

橋李南五十里為幽湖巨族朱顯道氏世家於此築室 進退存亡之道哉此予嘉其為人樂書而記之 懸車之景促痛凋落之將及以為非人之所宜者惡知 也木也與乎人也不病乎晚而尤宜乎晚如此使其悼 於利禄顛仆不正之徒相去奚翅干萬乎由是觀之山 若干楹而水周其下題之曰環碧前御史中丞番陽周 公伯温以大篆體為書三大字復馳書鳳陽屬記於子 環碧堂記

とこりはんから

清江文集

動分四月全書 時並湖而居者非 相涵不見洲渚而王睢翠碧往來其中景之觸於前者 狎又何足以為奇勝也觀其方春雨止波瀾浩浩與天 萃馬使其奔放莫遏則悍而可懼海散旁流則弱而易 為狀旋而為渦至是左右回抱青停黛當尤形勝之 初余主顯道當爱幽湖之奇勝益脉絡自南湖來洄而 如也及清秋之夕魚龍在壑衝風不起顛倒星月而 人漁子擊榜歌呼景之會於心者又何如也方全盛 飛樓湧閣雖南湖不足件其壯麗 卷二十六

文林郎侍料院官其子思明仕元為進義縣縣尉轉嘉 今為顯道之所專也按朱氏世為楊李人其始祖其宋 之中未能有其一曲以從耕釣而徒懷想於二千里外 舍之而去客京師者二年分教中都者三年汨没埃塩 逮顯道已四世矣今一境既到於兵此堂復葺而新之 挹空翠於几席之間來清颳於嘯歌之頃固可以盡四 與縣録司事判官思明之子青陽教諭仁甫先後相繼 而堂據一 久已四年 在馬 湖之要益有無窮之趣馬時方際於王事遂 清江文集

故非一 醫得九鍼補寫法於金華王瑞養實出實文貞公之傳 時之樂益見文獻之家與幽湖同一悠久也顯道業攻 華亭夏盟氏有二親年俱七十而兄莊亦五十餘因顏 眾則天之報施又可必者別諸子若孫讀書好古余知 重登環碧之堂又當述而賦之云 後益隆不替非止於是而已異日解組南歸議舟幽湖 時庸工所及性尤急於治人而人賴以全者甚 樂堂記

禮來謁余為記當論樂之為事非一又孰與乎父母兄 所居之堂曰一樂取孟子之語也介前松江通守謝伯 弟相從一室之中哉大抵天之數恒不齊人之心恒不 大三日日 人 出於天為大乎盟之得此益一門所積既厚故多壽者 母兄弟之全者宣非彼之所樂在於人為小吾之所樂 足以為侈聲伎不足以為悦輿馬不足以為盛惟幸父 難也夫求至樂於至難誠千百而十一耳然則珠玉不 愜使父母俱存兄弟無故此天下之至樂亦天下之至 清江文集

棣之詩極推天倫之所當重反覆讀之持病究然子立 累年亦免於離散之憂不然何其致人於所不能致享 迹於世人心風俗之壞至於如此不亦悲夫故於盟尤 人之所不能享耶殆非偶然而已自今以往奉修職於 朝暮相倡和以為雕奚翅春臺之熙熙也嗚呼夢我崇 而無疾病天傷之患又處斗絕不爭之地雖海內連兵 無以逐吾一樂之私奈何禮衰事親忍於骨肉者常接 有所不能已且重余之哀傷感慕也烏可以無言乎初

金片口屋台書

盟之父原父從天台李東皇先生遊壯復受經於同里 當自盡者的不至手不愧不作雖處父子兄弟之間亦 錢公伯全薦紳之士咸稱之産雖總及中人而聲譽籍 志古齊者天台王總德氏藏修之所也總德當受詩舒 籍布於遠近盟又能厚其所親不敗於外物固賢於眾 未能樂其所樂也尚弱之哉 人已雖然孟氏之言三樂惟仰不愧俯不怍為君子之 志古齊記

文正可華を皆

清江文集

古

復懸絕惡得強之以力哉蘇黃門曰文不可學而能氣 雨薄而為雷電列而為五散激而為海濤人得之發於 經出入諸子亦皆志於古而恒苦其難者時既不同才 復求余記之乃為說曰射莫善於羿而天下不能皆羿 可以養而至是氣也塞乎上下騰而為河漢旋而為風 也工莫巧於般而天下不能皆般也唐宋諸家通習六 取昌黎韓文公之語自厲云番陽周伯温為書三大字

金岁口是台雪

可立先生科舉廢遂一意於古文求進於先秦兩漢故

所者不期於古而古雖有高下輕重遂與六經諸子並 文章所謂氣盛則言與之俱盛也諸家惟能善養吾氣 矣若總德者其志如此宜將高視無前而不足於今數 首有志馬亦猶射之必為界工之必為般庶乎其不遠 險怪而豐腴為可樂此古人不可至也古之人不可至 行不朽豈非一代之豪傑手往往取其書熟讀詳玩大 ていつる たたつ 抵立言不在於斬絕刻附而平行為可觀不在於荒唐 雖然高堂逐宇孰與古之僧巢齊紙楚練孰與古之羽 清江文集

到完四届全書 懼其合於古而病於時也嗚呼初余坐是蘊德復蹈而 熊且駭矣非班馬之罪也所見者異也君奚志於古那 土鼓奈何浮華之習崇敦樸之風壞或有語伊着之茅 為之不以舉世非之而變斯能古矣因其請而極論之 悦周文之甲服則儉而不盡乎飾奏軒轅之雲門則淡 **茨則陋而不合於制尚有虞之瓦器則樸而不適於時** 皮玉杯象節孰與古之汗尊杯飲哀絲豪竹孰與古之 而不諧於音矧文之變而下馬使班馬馳騁其間則必 卷二十六

第愧於古人者海之一螺未及盡夫道之無窮也其尚 植勤堂記

次定习事全等

其罪惡計吾之得失哉乃以百口保之坐是失官既而

清江文集

之人而握兵居重地一旦疑其為變命祐往察動静之

跡且欲因而翦之使小人苟利富貴必希吉附和以誣

也符彦卿與太祖外有君臣之分在周則為比看同事

余嘗論宋三百年間有大徳而享其報者晉國公王祐

當國忌賢嫉功盡斥異已至殺岳飛殺趙鼎而張浚胡 其子文正公相真宗十有八年孫懿敏公在仁宗朝復 一當燕而罷曾不反求諸已其後卒硫爵廢棄秦氏逐衰 嗚呼善惡之積如此天之報施又如此可為百世之龜 寅亦幾不免其陰賊慘酷何如邪乃數其子不足相副 私於彦卿實所以忠於太祖者也使太祖無誅滅大臣 出入將相三十餘年植槐之應捷若桴鼓當是時花 之過而彦卿免讒構之冤此固有純臣之義矣若秦檜

金万口万

7:17:11

卷二十六

以木觀之封其本而枝益蕃去其龜而實可翼葢有出 介工部主事彭德修來謁記故特舉二者論之大抵為 智甚矣撫之金谿有王熙讓和氏以晉公為法顔其所 其肉然如祐之所存者恒寡而放檜之所為者往往有 鑑已故君子莫不稱祐不邀近功至檜則皆怒罵欲食 善無應則輟而不進此固人之常情勤則始終無間馬 之豈其性甘為豺虎哉將以天之冥冥為不足信也不 居之堂曰植勤虞文清公揭文安公咸賦詠以美之

发已四年人的 一

清江文集

覽者宜有所勸是為記照荆國文公十世孫讀書好古 於自然者孰與快意一時以稔其毒肉未寒而名減哉 有長者風為鄉里所推云 清江文集卷二十六

金足口乃人言

中出起而覽之六合之內可見毫髮益旦而東夕而西 黑失道宛轉深林亂石間逐螢光而前足為之兀目為 欽定四庫全書 アン・ララー ここう 昔余僑居海昌之黄灣當遊百丈山將循龍湫而歸天 」瞽遂抵野人之廬宿馬既而天雞三號日車自海濤 清江文集卷二十七 中都集 東白軒記 青工文集 明 貝瓊 撰

宋之白於既衰之後者越二百餘年大明肇興四方萬 於唐五季大亂已極至宋始白而禮樂文物為近於古 宋自靖康而降偏安江左君子於此益深傷之必有繼 即一日之近以求一世之遠手自周之遷歷春秋戰國 則既昏而白於漢自漢之亡歷南北六朝則既昏而白 則向之所苦委身無人之境以觸虎豹盍俟天之方旦 西則淪於地而萬象俱晦既東則白矣古人從時作 於是與客酌酒相慶且論世之否泰亦日之夜旦宜

一致定四库全書

卷二十七

讀書之所題曰東白命其從子今監察御史會瞻來 里莫不瞻其景氣之新農夫野老相與謳歌田里以為 記乃書以復之異時尚當相從江上觀瀚海扶桑之勝 猶能為東白之賦是為記 不復之理有不能已者屬病未果而姚江虞玄佐氏有 時之快馬余既喜其言之符嘗欲為說以著其無往 川為餘姚之勝處士虞玄佐氏居馬凡自邑而往者 <u>;</u> 復古堂記 青江文集

針定匹库全書 懷葛天氏之徒則風俗古矣玄佐縣遠祖永與公以來 而不争多至百歲朝莫往來東阡西陌間熙熙然如無 逆折行數十里而山石林木皆古人民暴布星錯務本 古器皆古鼎匹無新制客有過其門者病其習之過於 歷三十七世而與山之南猶號虞家城其室廬古衣服 詠而又徵記於余乃告之曰孔子生春秋時往往傷今 野居之過於常竊非笑之以為不合於時也獨樂之不 厭且名其堂曰復古日讀古書其中鴻生碩士成為賦 卷二十七

非性之獨異乎人出於氣習薰陶之外也然古今人不 胥淪於夷至<u>變其嗜好變其語言賤樸素而尚奢靡先</u> 之不如古則春秋已非古矣矧距孔子二千餘年中國 今而一之非有古也亦非有今也求其道而已矣道越 相遠以今觀之則古之為古矣鳥知古之不為今乎以 王之法蕩然無復存者可勝歎哉有能以復古為事豈 萬古猶一日使吾之所言皆古人之言使吾之所行皆 古觀之則今之為今矣鳥知今之不為古乎吾將通古

火足四年在1日二

清江文集

古人之行衣不必逢掖也冠不必章甫也其人猶古也 東軒寫 見若人於所不獲見是知古之可復誓將往而從之以 徒泥其往而詭於今忘其內而飾乎外曰是能好古而 金定正压石量 是乎書洪武十年歲在丁已冬十月初吉攜李貝瓊在 詠有虞之音其為適何如耶姚江之上必有和余者於 不徇時者也余未之信馬嗚呼方俗之益偷益偽尚幸 學古齊記

前者有竞舜馬有伏義神農黃帝馬所謂開物成務者 古問過中都見余求文以記之余時承乏助教義不獲 趨於便亦勢之使然耳尚求其中正無弊惡可不以古 也降於秦漢及唐恒以古之為固而病其難行繇是日 古訓是商不自為古也以今觀之商周非不古益創於 辭乃復之曰時非古而必學於古豈非有可因而不可 **愛數周官曰學古入官是周不自為古也說命曰學于** 國子生桐川郭審言分教臨淮也頹其讀書之所曰學

欠日の日と日の一清江文集

老而莫能及馬審言入官有日將以成諸已而施之 為學者也余之昏愚怠情既失於早歲今雖欲進則既 **蘊孔子定之為萬世法炳焉與二曜齊明則學古者盡** 之辨孫吳權變之術司馬遷揚雄瑰麗之辭舉不足以 行莫過於禮褒善貶惡莫過於春秋此皆發於古人之 经故知幾莫過於易辨事莫過於書理性莫過於詩正 人為法哉嗚呼古之人吾不得而見矣其道則備於六 力於此非無莊周虚無之宗申韓刻削之習蘇張縱街

金月口月月十

傳無汨於諸説之爛熳庶幾不壞其心術而徇乎一 必習於一出一入之間上诉伏羲神農黃帝尭舜之相 故反覆論之終舉其要如此尚弱之哉是為記審言生 之好馬雖然聖人之學古也必本於信而敏以求之信 Electorial Little 其業云洪武十年歲在丁已秋九月既望攜李見瓊記 之不深求之不敏又何以知古之可學而極其所至乎 九歲喪父大父仲銘鞠之既長好學克自樹立為能守 崇志齊記 清江文集

表而本之以誠其進德也必果其成功也必銳聖賢事 蓬萬惡視鴻鵠之翔乎天哉惟豪傑之士立乎萬物之 **到好四庫全書** 翅蛭螾自足於蹄涔孰知鯤鯨之縱於海覺斯不出於 恒勘所見者小而不見乎大所務者近而不務乎遠奚 曰髙尚其志孔子曰匹夫不可奪志也而世之有志者 有不隨氣而衰不與時而變遠則行而利乎物窮則晦 而樂其天此志之為大與天地相配數孟子曰持其志易 王公之尊賣育之猛季孫之富舉不足以挽吾中者益 巻ニナセ

·業莫不在我矣由是觀之人品不同而所志亦異如此 然學者亦可甘心里污药賤之域而忽於高且遠邪志 伊尹之所志則恥其君不為克舜一夫不獲若撻於市 シーショラ シーラ 遠三百里求余記故舉其說以復之且公由幕府一 稱馬今兵部尚書陳公彦銘顏其讀書之所曰崇志不 特未見其能自属者至一時好高而行或違之又無足 君子豈強人之不能乎亦在為之而已余當以是告人 亦伊尹也學顏子之所學則無伐善無施勞亦顏子也 清江文集 六

雲孤飛曰吾親舍其下徘徊久之而去國史遂書之以 唐司空秋公仁傑方為并州法曹也北登太行回望白 於是乎書 所以告公者不在於位而在於道德馬尚志於道德推 之所為將見事業無窮非顯於一時而及乎百世非榮 至夏官其位既崇矣位之崇者實由崇志而致若余之 一鄉而施之天下此益公之素志亦人之所深望也 望雲軒記

多安四库全書

巻二十七

或減固無時也又奚待託之以寓吾思親之意邪益以 傳於今余當論之雲之為物或往或來固無方也或起 皇将毋此先王遣使於外関其情而代言之也由是觀 去親數千里外欲見之而不得見者雲耳雲之所在親 因雲而思也求之於詩見於風曰防彼此兮瞻望父兮 又曰防彼此兮瞻望母兮此人子劳於行役而思其父 之所在乎是其眷眷不忘於旦莫即所見而發之始非 母也見於雅曰王事靡監不遑將父又曰王事靡監不

次定四事全事-

清江文集

之有事君之公義有在已之私思無公義非忠臣無私 雲之感實同於防站之詩人抑在上者亦能関之也手 思非孝子二者雖不能無而不可以相廢者此秋公望 同 然疹信方奉詔田京師將見其為天子使持節王門 日望雲比過中都求余記以申其志故為之說如此雖 南之湯陰者三年而遠離色養之久遂題其所寓之室 後多興起而慕效者又足以見干萬人同一心干萬世 時也永嘉鮑佑彦信洪武八年繇國子生分教河

金月口及人

盡乎公義私恩忠孝於是而著矣余當一書再書非止 國子生四明之定海戴習者宋朝奉大夫填之六世孫 於如此而已尚弱之哉 西天山之北乘時樹功如狄公之顯於天下後世庶幾 春之和其心樂馬因名其堂曰具慶取楚淡詩人之 也見余中都而告曰吾父年令四十有九母亦五十矣 耳聰目明過於少壯者而吾兄弟二人又同室而居如 具慶堂記

とこり 日本は

清江文集

享着艾以睹洪武太平之盛是符詩人之所謂具慶者 恒有也孟子曰父母俱存兄弟無故非樂之出於天而 也敢以記請余嘗論天下之樂繁手人者可必而出於 疫飢餓父母俱存而無故益又鮮也習之處山海斗絕 天者不可必可必者世之所恒有不可必者世之所不 之地不為矢石之所隕不為疾疫飢餓之所厄一門克 已尠况乎兵變之後方數千里或隕於矢石或夭於疾 不可必者乎當四方無事之時求之於人而能有之者

金牙口屋石量

大三十二十二 無虎暴狼殘之幣好讀書當著六經講義而風撲論深 此天也非人之所能致也余因而推其本矣易曰積善 朝月夕奉其二親恭講鞠題稱觞為壽其樂又何如哉 足於心矣今分教相臺三年將上京師受官而歸也春 處是皆不足於心又烏得而為樂也若習之具慶則既 事其母有母而不及事其父有父母在兄弟或離散分 矣嗚呼君子三樂之一尤人情之同欲使有父而不及 之家必有餘慶初埴之事理宗也為將有仁義之稱而 清江文集

余嘗觀乎逆放之舍矣朝而至者夕往而更其次夕而 於無窮而大朝奉之世可也於是乎書習字原學通敏 至者朝往而更其次以其奔走東西南北之途求庇於 有 好學早從吾友桂公彦良胡公舜咨遊而人多推許云 刺時之不辨名實者後忤丞相賈似道意遂斥之於外 以終然其所積者已厚而天之報之也亦必厚矣故習 人所不可必之福豈不知其所自哉尚益綿延其慶 旅軒記 基ニャセ

金元四月全書

逐而一世馬由是論之皆旅而已有通其道者其幾於 盡其成也必有敗或近而一時馬或速而一歲馬又其 Kan Die Like 達數友人陳生原東謫居臨淮五年以旅名其室且求 獨是也天地亦大逆旅也萬物之託於中其生也必有 宜若可久而不易者越數十年間或死或徒已非一姓 巨家右族治第相高至廢千金而風臺月榭各據形勢 孰非逆旅耶凡居於是者奚翅朝夕之忽來忽往耶不 信宿之項雖致而莫之完缺而莫之補其勢然也及觀 清江文集

苟知向亦放也則今可以忘吾放矣其在楚也楚吾鄉 多分四厚全書 臨淮猶雲間耳又焉能必於一方而不為旅哉尚因吾 然原東生於雲間長於雲間有戀戀不能忘者是固天 言以廣其志是為記 也其在越也越吾鄉也焉往而非主亦焉往而非旅雖 余為記遂進而告之果以今為旅耶鳥知向之非放也 下之同情盍視古今之星馳飈逝髮而不常如此則視 清江文集卷二十七

欽定四庫全書 之三日日人子司 一 而高下云嗚呼形氣相軋而有聲而聲出於人者為言 唐宋文衡總三百三十篇天台朱伯賢氏之所選也文 雷霆之擊非不烈也海濤之升非不大也笙等琴瑟之 不止於此而特約之為學文之法如物平於衡有不得 清江文集卷二十八 中都葉 唐宋六家文衡序 清江文集 明 貝瓊 撰

奏非不和也皆莫過於人之純聖人之經又純之至也 故歷千萬世之久雖善於言者惡能擬而為之哉戰國 各有其體以成一家之言固有不可至者亦不可不求 陽子倡於宋而南豐曾氏臨川王氏及蜀蘇氏父子次 倡於唐而河東柳氏次之五季之敗腐不論也廬陵歐 軻其純已不及矣降於六朝之浮華不論也昌黎韓子 以來孟軻楊雄氏發揮大道以左右六經然雄之去孟 /益韓之奇柳之峻歐陽之粹曾之嚴王之潔蘇之博

金分正屋台書

能及至宗元守原議桐葉封弟辨鑿鑿子是非之公使 其至也余當讀之若原道原毀由孟軻之後諸子未之 於余其定六家文衛因損益東菜吕氏之選將刻之 聖人復作無以易之其他馳騁上下先後相發誠樂之 其間與馬此余之所深痛也伯賢工文三十餘年實倍 以語此或知師古為事者又特於各愚怠情而不服進 軋相成者矣世之狃於所習苟趨一時之好者既不足 而不厭信言之異乎雷霆海濟至等琴瑟氣與形之相

という日本はから

清江文集

衛也哉洪武九年歲在丙辰春正月七日將任佐郎國 起於下不為蹈襲固有望於絕人之豪傑豈專取乎文 純於此求之其至於古無難者是伯賢之志也若夫振 也若六家者雖於道有淺深皆本諸經為說雖駁而復 南豐之後其用心可謂勤矣間當挾之過予成均與之 使子弟讀之而曾曲阜所作四篇則采前人所遺以附 儒君子之論文者務合於道非徒以其詞高一世為工 商確累日且俾序其首余何敢為之妄議那抑當聞先 をニナハ

金片 口居 有電

者曰潛溪集其在朝所作者曰翰苑集潛溪集凡若干 翰林侍講學士金華宋公景濂自少以文雄一時人不 浩治乎莫窮其所至乃撫卷而歎曰文章經國之要也 卷故翰林承古歐陽文公為之序而翰苑集復萃記序 遠數千里求之殆遍於中國四夷矣其居青蘿山所作 子助教攜李瓊序 **砰銘表傳雜說釐為前後續別四集云余嘗讀而好之** 潜溪先生宋公文集序

とこうられたが

清江文集

廹而文獻公之不失準繩甲不可隆而高不可抑也大 虞文靖公金華黄文獻公亦若韓子之在唐歐陽子之 黎韓子在宋則宗廬陵歐陽子韓子之文祖於孟子而 豈直一藝而已哉而與時升降其變不一在唐則宗昌 一部立四雄全書 抵先秦兩漢以來聖人之經汨於諸子道固晦而未明 在宋矣然文靖公之放言極論縱橫無窮其氣燄莫敢 文公以許氏之學振於北方下至天歷至正間又有蜀 歐陽子又祖於韓子皆所謂傑出於千百者也元初姚 巻ニナハ

欠了日豆 八十方 作大號令修飾潤色莫不曲盡其體實與虞黃二公相 考事也博故發之於文章悉雖近習之恆學者翕然師 抗不亦悲夫公自五經子史靡不通究其造理也精其 而徒剽竊陳腐支離蔓行之為工孰知其去古遠而益 之立言者由是求合於道亦既無弊矣又惜蓄之無源 宋周程朱子大發其闕是非邪正奚翅黑白之形而後 也故各聘異同之說以麥耀一世恒病其駁而不純及 之國朝龍與遂以布衣登侍從之選歷十餘年凡大制 清江文集

後先已雖然虞黃二公屬重熙累治所以輔載一代 神變化龍跳虎躍雖極现詭奇絕之觀惡足以喻其巧 盛者為易今國家肇造之始將昭武功而宣文德以新 如此尚俟知言於後而非諛其所好云 其儀矩非一日矣故知公為深而望公為重報為之 四方之觀聽使知大明之超軼三五豈不為難乎嗚呼 正聲勁氣充塞宇宙星辰河漢山川草木風雨雷電鬼 耶昔公之總修元史也余獲預編纂之列熟其議論觀

多分四月全書

をニナハ

若干卷酒酣誦之扣角以為節云八年春余分教中 業洪武三年徵至京師草喻蜀書稱古權為侍從官未 扣角集者前翰林修撰始蘇申屠仲權之所著也仲權 幾病免歲餘復滴濠上治田之暇報肆意文解前後凡 與余同學於鐵屋楊公門再試有司不中即棄去舉子 孰與於太牢顧欲希一世之所好而莫恤一世之所病 生手其編來見且言土鼓之音不諧於匏竹藜羹之 大三日三十二 扣角集記 清江文集

乎時而係乎其人方仲權之奮於布衣進退人主之前 於田夫野老人又以為辱也亦無異玉堂天上之貴視 之累日乃為之數曰何其富也抑嘗論文之升降不擊 見之大篇短章和平古淡無哀傷怨懟之辭如此蘇是 彼之驕盈於既達沮丧於困死者相去奚翅萬萬哉故 人皆以為龍也而無異洞庭林屋之時至不合而斥混 反覆古今而辨之甯戚當東周之衰齊小白以諸戾伯 可謂至愚雖然惟子知吾久子盍序吾集乎余受而閱

金公四周全書

卷二十八

權之居田里豈將竊比於戚而一談一詠莫非真樂之 中國不得與一時賢智之士如夷吾者同升而棲棲上 **養敷然仲權未始求人之知類戚之於齊也余故發其** 惜無知仲權於今日而至音至味孰有以察之土鼓藜 所在則其跡雖同而其心實異也嗚呼戚之託於音也 而失之激矣既舉於齊亦不見輔主之功如夷吾馬仲 幸而有知之者傳之數千載之下不與風花霜葉俱腐 てこうい こよう 一悼堯舜不逢長夜之未旦悲歌慷慨未能安於貧賤 清江文集

銀定四庫全書 言孟子曰子豈好辨哉則其為書者莫非憂世而作若 意以冠於首云 貴矣余讀東吴先生五論得失辨邪正論而深取之馬 諸子好為異同祈勝於人者言雖繁而道益晦固不足 古昔君子之立言其亦有不得已者乎孔子曰余欲無 權任諸已而于諸侯或進或退示一王之法樸卿吕氏 世之講春秋者非一 東吳先生文集序 胡文定公謂理人以典禮命討之

其徒尤熾矣先生極論那正於風從瀾倒之餘其為扶 所見而有不同如此而先生盡發胡氏之說以斥吕氏 罪我者其惟春秋乎而范甯亦以一字之褒龍踰華衮 之非亦宣有所左右邪孔子益曰知我者其惟春秋平 而天下靡然向之唐宋諸儒攻之不能勝降於元季而 之際片言之貶辱過市朝之捷則聖人進退諸侯無疑 則以聖人作春秋以尊王豈專進退諸侯哉二家各伸 ていりい こよう 一時窮經之士弗之考耳至於佛氏倡禍福以恐人 清江文集

道者敏庶傳之天下後世不為始朽蟳滅必矣故序以 獲見所編遺葉無慮數百篇喜其無險怪之病而有舒 輪轅飾而人弗庸徒飾也况虚車乎若先生之文非載 徐曲折之勢而二論尤可觀也周子曰文所以載道也 冠其首先生名儀字明善姓吴氏當薦於有司性不樂 為儒者所及哉余來中都數從其子禮部員外伯宗遊 樹世道何如也益所謂不得已而言者使春秋之大義 既明中國之人心無惑吾可以忘言矣嗚呼抑豈淺之

舒定匹庫全書

其墓云 大父無少遊太學補上舍及歸元曰吾不能事二姓矣 理宗時由蘇徒秀樂崇徳之高壤遂占籍為崇徳人 即浮沈鄉里中生二子卒瓊十四五時獲聞諸先 仕自號東吴子其卒也翰林承古金華宋公景濂為誌 不紀其名以時考之大率十有餘世矣曾大父珪在宋 貝之得姓莫詳其所始惟唐杜荀鶴有贈貝處士詩而 フミニニ 貝氏族譜序 **清江文裏** 至

一識之既長規録而為譜越四十年宗族無可問者益大 教托名士籍的旬世俗所病而不為則終無為之者故 或微或絕或續此固勢之使然尚可言哉吾幸家先人 而級骨肉之思非徒夸耀爵位為人之美觀也且或盛 自大父之前遠而不能知者不必求以實之大父之後 從而廢以為不必為譜也然譜以著其所出詳其所繼 自曾大父而書之云嗚呼天下之士恒病代無顯者譜 江以南為清河之貝纔一二而已今懼其益久益忘乃

發定匹庫全書

禮仲美於次為長而仲禮早卒一子轉去依外家居吴 非 近而不得略者必將舉而書之蘇文公曰觀吾譜者易 始於此數此吾放於文公殆非過也惟伯父二子曰仲 直子良之心可以油然而生矣是心也天下古今所同 江慶弔不通娶某氏生子某亦莫知之而仲美二子業 田以衣食復遷於石門西五十里為吾後者遡流祖原 CALD HOL ALL 不昧其始庶幾瓜瓞葛藟之意得以續而無廢焉有能 一人之私也故以為言是知蘇氏之譜豈供於前而 清江文集

多近四月全書 太末之徐益出於偃王歷秦漢至今若干世凡數千年 大吾宗者當存而為勸或污吾宗者必削而為戒 終不遠之言使泰伯之祀遂絕則 所滅而張禹奔楚越之有徐者宣宗族散居其地為立 或仕或隱皆有稱於時初徐在春秋國於淮北後為吴 失地與民而子姓蕃行如此吳卒以兵前丧如子西其 廟龍邱以祠偃王數事見昌黎韓文公記由是知其雖 穀江漁者詩序 表ニナ、 一時強弱無足計者

員或者惜其當而不施循抑千里於鼓車也今年春來 之未果洪武五年秋校文浙江復禮亦迫有司命起與 一賢才復禮又傑然特出將與前後相望乃春春不忘山 謁予成均且求言以申其業漁之志既重偃王之後多 國子助教始識於京師時顏上方立學官遂用為博士 九府之士俱遂以明經預四十人之選故益異之及為 三衢人言有復禮者敦樸有學自託為殼江漁者欲見 而得失較然可考焉其為天下後世監亦明已余常聞 ていしつう こよう 清江文集

条其後云詩云 聲利哉然未有能知復禮者故書以贈之復為詩四韻 江尚友子陵志和之徒一卒吾天年又奚慕彼之罷榮 水之樂殆非世俗之所可及者苟反乎漁亦當從之穀 舟隨海翁朝暮穀江潯區區豈在魚庶以適吾心 大魚重千金小魚細於針小魚不可食大魚亦復深扁 滄海之涯赤城之權有學道者當製瓊臺法曲十年而 瓊臺集序

新定四庫全書

友已日月 A. 中都會季廷姓氏因出其所著蘆軒葉語奇而意深大 人者起而補之于且將訪之四方冀其有遇也今適來 世俗之樂所能侔者馬欲往而求之其人已化千有餘 始成其音律之和可以合於釣天九奏乃率弟子按之 年而其詞亦已佚不存矣又安得天才雋接如長庚仙 廷鉉以彭城郡侯桂嚴之孫無善處士君敬之子而當 抵出入法曲之遺將續其響於既絕誠不易得也余聞 王霄峰頂出神魚下玄鵠鬼神恍惚而至也信非人間 清江文集

此的得之則發為麗藻使千萬人攻之而不足吾獨然 謂詩至中州縣乎無足論者而乾坤清氣恒斬於人如 貴遊而混於樵牧之賤宜其抑鬱無聊不能一朝居也 必擬杜甫其歌謡樂府必擬李白嗚呼志亦勤矣余當 其中者敏熟玩是編無應數十百篇其五言七言近體 受業於森碧先生孟公之門一時薦納多稱之近謫居 乃能肆意於詩籠絡萬象入於肺腑可謂不以貧賤挠 顏上奪其山水之樂土而置之孤兔之邱失其綺紙之

金为世是看言

卷二十八

容為之而有餘抑可畏已夫越二年復見余求書其首 とこりほんとう 昌翼寔唐僖宗之子未温篡唐去而避居徽州之婺源 復姓正也而胡士安氏越三世而始復馬初士安始祖 考水因别姓為胡至後唐以明經舉人號明經公沒而 既喜而不厭遂復題之曰瓊臺集伊覽者知東南猶有 一祠於鄉元延祐問賜額為明經書院云七世祖諱衛 人而無消山中之寂寥云 胡氏復姓序 清江文集

寓錢唐者久之二十餘歸婺源依大族王氏居遂冒姓 仲肅條分葉布號雲屋先生仕元官至台州路府判算 文章氣節重於東南鄉人往往猶能誦其詩次諱燻字 葬於宜黃有一子諱權字茂叔則曾祖也以幼孙落魄 獻號碧瑶居士五世祖諱次夔字舜彰高祖諱楫字用 為王茂叔生子照字英之有子五人長諱坊字元禮以 字元忠為宋國子助教距明經公九世矣六世祖諱民 之娶墠上張氏楫早卒張氏依其弟通判其居宜黄卒

多分四周全書

卷二十八

為綿延延歷世二十為藏之望族吾祖以迄於今始秦 生士安馬將終呼士安而囑之曰胡氏自明經公以來 惟謹至大明洪武七年起為定遠教諭明年余分教中 自著譜系其始終可考也吾死汝亟復之士安泣受命 其姓而吾籍在天官難於變更此其快快不足者故當 范文正公之去朱歸范是也然其初從母適朱氏故其 都遂來求書而為之序余乃數曰古之復姓者非一若 冒朱循有可言者今胡之為王則無所因也又不得與

たこうられたか

清江文集

復於胡庶幾不昧水本本源之義哉然文正身請於朝 文正比其失在於茂叔而仲肅襲而不易也今士安之 故處州路儒學教授四明鄭公覺民者求我集人皆稱 之父悶不出余間得於其子臨淮教諭千寔乃為之 孰計其遠近邪此固無足疑者矣於是平書 之嗚呼氏族必本其所出有不可得而亂者義尚當復 而復之為易而士安復於三世之後為難人亦以此疑 求我集序

金页口酒台書

卷二十八

歌散而無氣讀之使人欲即以是為古又未至也公既 章家非一矣高者好新其說泛取戰國策莊老之書論 蓄於中而發於外理明辭達若川之紆餘曲折而驚濤 高遠而欲窮乎神論詭誕而不根於經以是為古固不 曰何其富邪豈天既嗇其位捷獨豐於文也代之工文 とこり見へき 以爭雄且無所論二者之失玩之益久益奇斯為文之 駭浪忽激而横驅若山之平行四出而層巒叠嶂却立 合也下者不出尋常之見蹈襲唐宋諸家支離以為博 清河文集 古

學極該博自表楊而下皆推公一人而文特緒餘而已 古者數公生元大德延祐間時方以科舉取士嘗一試 有司不中即棄去舉子業措紳之士累薦於大府僅授 共定其儀習而行之觀者歎息謂復親紹興之舊益其 其言可以知其道也孰得以優为論之哉千寔既類而 雖然達而在上以行道為心窮而在下以立言為事觀 至正中太守王元常議行鄉飲酒禮公與同里王叔載 一郡博士亦不赴而家卒其清苦之節尤人所難及者

金分正屋台書

巻二十八

端於是乎書 ラススコラススト 成編凡誌序碑銘書跋若干卷古體歌行五七言詩 滅晦蝕於後也 清江文集 古

清江文集卷二十八				T.
ニナハ				
				老ニナハ
				_

清江文集卷三十

詳校官太僕寺少即臣李廷欽

中書臣劉源溥覆勘 校野官修撰臣吳獨齡總校官知縣臣楊懋珩

謄録監生臣楊簡中

というほとよう 清江文集 生西域馬公伯庸江右揭公 陳腐以復于唐其相 與趙公子昂浦城楊 明 總若干首成編題 貝瓊

鐵崖錢唐張公句曲而河東張公仲峰亦留三吳以樂 之子太原伴惟德道出淮西攜其集示子快讀數篇因 當大明洪武之十年以助教來中都分教諸生而願之 諸家為不足法矣下至四明黄公伯成曲江錢公思復 未及見也且欲徧采四方之遺兵愛而輕越今三十年 亦皆卓然可觀者若天台林顯之所若雕上白雲豪則 府唱酬金春王應駸殿然有李杜之氣骨而熙寧元豐

夏碩莆田陳公衆仲在外則永加李公五峰會稽楊公

卷二十九

金分四月全書

古人 撫卷而數曰詩固未易知也三經三緯之體已備於三 七言又變而為律則有聲律體製之拘作者祈強合於 之文而不知文之所成於是叶而歌之用於閨門鄉黨 因時之治亂政之得失蓄於中而洩於外如天風之振 不能不為之聲而不知聲之所出海濤之涌不能不為 百篇中然當是時朝廷公卿大夫以及問卷匹夫匹婦 國而與起人心使有勸懲矣漢魏以降變而為五言 雖 1.1. 一句壯麗奇絕既不本於自然而性情 清江文集

敏定四库全書 以行府經歷會稽褚某為之命既下即治裝戒行賓客 洪武十年夏大都督府斷事官缺上難其人咨之在庭 言人所未至為工凡景物之遇發於大篇短章者寄與 氣之一矣故書其首而歸之 高遠工而不僻清而不俚可以附於中州舊集而備清 范而下三十餘家及覽顯之之掌則尤窮日力於雕搜 正亦莫得而見之也抑一代之詩有不可廢嘗擬取楊 送褚徳剛序

氣其勢宣不難哉余曰不然莫重於法法一定而人從 咸祖於東門外或告之曰子其慎哉治兵與治民異民 Inde to the later of 之肅怠者為之奮騙者為之懲一出一入莫敢或越其 自罷戰而歸雖其鳴弓拔翻之態不除斬將搴旗之功 之齊今國家重兵分為四十八衛有裡有長悉稽諸古 盤虎急則忽怒而無以服其心緩則玩肆而無以折其 牛羊也叱之前而前麾之却而却而標悍之士如擾龍 可恃至懸法以示之使知所守則暴者為之戢貪者為 清江文集

圖爭及來鳳陽也部校無淫縱夫以區區一文人充幕 書為送行序而工詩者系其後云 知其易易然矣於是客旨善其說遂與之劇飲而別 之以公無私熟得而干政犯令也則今之往也位雖下 切之欲惴惴焉聽約束於朝莫如此邪益有其法而行 府之選非素有威嚴決斷為其所憚何以使之禁其 防由是觀之治兵亦治民耳昔公之在青州也火伍無 而勢實尊名雖小而事益專以其己者而卜其所行余

致定匹庫全書 **■**

風氣之和人生其間者內魯而外文余獨以為不然在 聞去中國萬里而人物多同於中國或言其山川之秀 周公孔子之教可見也秦人習於戰攻勇悍好前而商 乎作之於上習之於下耳齊魯習於禮故揖遜不爭而 九日の日本は 知學常家風厲其民歐陽詹始見於唐然後學者稍出 及楊時李侗至考亭朱子大闡周程之學化行遠近窮 君之法猶在也瀕海之地歷三代以來棄於蠻夷素不 送吴義孚序 清江文集

獲見吴烈義多者粹然而不於確乎其有守余甚嘉之 所置學官弟子員散去而從他道惟聞不廢由是觀之 **恍於終歌無一人不通於道術雖兵戈格勵之餘內外** 大抵所習之異性從而移則天下可使為齊魯宣特閩 病其不及輕舉以告人欲其有所慕而為之及來中都 與中國齒哉惟其俗之一變綿延數百年間無一室不 在於習而不在其地也豈不信乎故當觀東西所歷恒

金万四周分書

經好古之士不可一二數兹非作之於上習之於下形

卷二十九

壺山凌雲巖東題曰小盤谷且將老馬洪武五年部使 籍則前後人物莆田為威而且華于吴氏一門馬其体 間考其先由固始遷聞居與化之莆田凡十二世皆擢 弗墜長從鄉先生獻可鄭公學矩林公遊其學既成其 潮州死事者益義子之曾大父也義子早孤克守其業 進士第為太守者五人時比漢之萬石君表其里日桂 文既工一時薦紳咸推重之性不樂仕乃去之桃溪之 とこの にかう 一菜的雲精舍讀書其中而先些之在黄石者又遷之 清江文集

着着壺公山紫舒小盤谷青看格葉老紅分荔支熟言 矣以其去鄉之久將暫歸而復來求余一言以行余既 者強起之遂來京師授鳳陽府學教授年今五十有七 歸知物改惜別悲景促焉能有翅翎東西附黄鵲 喜其有尚文之習故歷論之為聞人崇并以勸其來者 洪武六年春上以國子學聚四方俊秀宜簡明經之 云洪武十年三月甲申楊李見瓊序系之以詩曰 送錢子予序

金分正居全書

卷二十九

中都九年思廣用中皆病免而本初以年滿七十為請 時余與會稽趙公本初錢公子子吳與馬公新仲至京 新褚以示恩數之隆在朝公卿大夫莫不以為禁嘖嘖 授翰林待制致仕十年子予亦授國子博士而老馬余 公旦初劉公子憲先後至皆一時選也八年余復分教 師遂承之助教既而山西張公思廣靳公用中江西曾 誨之命令御史大夫陳公董其事上下抵若悉舉所知 Private And 既縻於官不得與祖道東門外竊聞其去時詔賜內府 清江文集

來告曰與子相知於二十年之前始獲相遇於二十年 壑間與唐少尹楊公巨源古今同一轍 矣子予乃馳書 也乎方仕而遽去可謂决去就于一旦而悠游千嚴萬 前於大國宣若錢氏一門之盛與宋始終至都高位享 馬殷蜀之王建閩之王審知與武肅比肩而起者後皆 而益蕃當時若淮南之楊行密荆南之高季與湖南之 歎息咸謂武肅文穆二王功德在吴越人宜其子孫久 厚祿鐵券猶存四五百年之故物而子予繼顯于今日

到分四庫全書!

卷二十九

二年之間而虚者以盈愚者以明知其可與適道也方 本初於東西兩眺幸為子道問訊云 言者惟當乞身於朝以從之遊耳姑書以復子子或遇 之後可無一言贈我那余方以勢之合離為戚後何 也遂進而與之每讀書至夜分止雖風雨寒暑無少間 人曹新民書見余飲馬若虚黙焉若愚知其可與其學 余講學雲間時四方之受業者非一而會稽樓澄持故 これの 日 たけら 送樓文淵歸會稽序 清江文集

將考聖人之經以窮天地萬物之理屬兵與散去不相 始終如惠勤之於歐陽子也然歐陽子不以賓客倍之 重或放江湖之遠或陸沈田里之中未有澄之不負於 澄乃不遠千里徒步訪余京師今年余留中都復因蘇 知者十年及萬方既一大用諸儒余亦起為國子助教 (致書馬嗚呼及門之士或擢朝廷之上或居蕃翰之 一悔於後益論為不已余敢因澄而尤諸子那特表其 /厚而義之盡耳初澄之父當仕三吴遂以家從

金丘四月全書

卷二十九

富貴之極而有首邱之思奚香池魚羈馬之戀淵數也 而缺有雲霞朝莫之愛而竹樹之蔥情可悦也將奉其 幸父殁已而慨然遐想山陰之居有山奇而峭有水清 澄之行也益重余之感焉尚問東南有昔之處士戴達 戚墳墓者非放於王事而有大不得已者弗忍也故雖 者乎幸為謝之將挂冠東門在而從之矣於是乎書 母以歸求余一言為華余聞而嘉之大抵士之輕棄親 送國子助教張思廣歸平陽序 清江文集

莫不彈冠相慶先生中州之碩果也當行其道於天 初六之久曰拔茅如以其軍貞吉亨是知進退之道繁 於時之否泰而已今否極而泰正君子小人消長之會 否之為卦九往居四六來居二内小人外君子之時也 起而告曰當考諸易泰之為卦六往居四九來居二內 見余且曰吾将老於姑射山中矣余既無力以留之乃 君子外小人之時也初九之文曰孩茅茹以其彙征吉 國子助教張思廣先生謁告歸平陽道出濠泗間杖策

爲可超然而肥逐也哉曰吾非不知也然吾之當去者 錢公子子而思廣繼自河南至學足以相資言足以相 去孰得而非之也初余至太學時後儀趙公本初錢唐 疑故有當去而不去者別於不當去而去乎若思廣之 而退龍也宜退而進辱也余聞而嘉之可謂見幾之決 有三耄也迁也疾病也其能進而成治秦之功乎宜進 次,正四車至雪 清江文集 發服則與之出白下門登鳳皇臺覽河山之險固宮閥 已嗚呼見幾者君子之獨見衆人之所疑也衆人之所

學者雖眾而亦未知其所至也越二年余分教中都出 冠馬益其養於中者既充則發於文者盖肆一時從而 生りてアノー 其向之所與如思廣者益斟惜其不得備待從於金門 之壯麗慨想古人於千載之上唱和成什皆推思廣為 門酌以送之復序其交游之 玉堂而遠高蹈遠引於上下相交之自也於是載酒 清江文集卷二十九 梗緊如此善詩者咸系其

た正日日本 後雖不及顯融而望重一時年八十有五卒既葬其至 四明孫正南先生以累世家學之懿起於百有餘年之 欽定四庫全書 石按狀先生諱元蒙字正甫姓孫氏系出河朔有名全 清江文集卷三十 以鄉貢進士臨淮縣儒學教諭鄭真狀來謁銘刻諸 中都集 故孫正甫先生墓誌銘 清江文集 眀 貝瓊

家俊秀補學宫弟子員遂請往時鄉先生會公月卿 葬無違禮服闋益肆志讀書不問風雨寒暑有司選故 曾祖願質宋朝散大夫國子司業工部侍郎祖諱鑄通 直郎知臨海縣父諱嗣明將仕郎曾祖妣黄氏祖妣莊 間遂家於鄞詳見元翰林待制柳貫所志臨海君墓碣 内明異於常兒年十八父母相繼殁相其二兄自卒至 氏姚周氏嗣明三子長元厚次元佐先生其季也外密 照者立功澶州仲子當補牙校以讓其季而南遊吴越

金月口屋全書

景陽官四明為遣二子從之而紹興葉公敬常存餘姚 者正之疑者辨之一時同門皆出其下既歸陵陽年公 文獻之傳固自有大乎因受詩魯公出入諸家之說訛 後歸杜州書院申明朱子月武季考法朔望讀吕氏鄉 鄉飲酒禮先生為定揖讓進退之儀觀者以為合於古 走書百里延之館下同知劉公文大字文公子貞方行 約書善紀過以示勸懲遠近果糧而至者數百人至正 公孟傅居上庠以先世嘗同官於朝有通家之好喜曰

大三日日日 たたラー

清江文集

金分四周全書 大略信非章句儒矣閱二考調松江清忠書院山長則 兵守三關辟為餘杭儒學教諭先是孟起食浙東宣慰 年已七十遂老不赴越十餘年病風痺猶日風與盥柳 孟起去郡侯布延平章尊達實理繼至數訪以世務畫 子亦師而受業馬故先生以孟起謂知已檄至亟就道 司都元帥府事下交布衣之士謂先生有古人風而其 八年有冠自微逼杭江浙行省参知政事董公孟起總 以對切中利病二公題之而不及用然皆知有經世

神色不變生於有元至正二十八年辛卯十二月六日 縣儒學教諭同郡鄭駒孫男六人復生端生震生無生 章為河南府永城縣稅課局副使女一人適金華義島 生協德勤於治家先卒年七十有五子男三人弘章傳 卒於大明洪武八年已卯五月二十五日娶莊氏與先 有造者必束帶見之前死之一日始就枕翼日四鼓卒 道生陽生孫女四人長適同里楊啓明餘幼在室弘等 以明年間九月初三日葬於鄞之豐樂鄉黄山之原以

といりはんまう

清江文集

莊氏合兆益先生所自辨定云先生性坦夷不尚異同 管藥既愈乃喜沒復治其葬又篇於倫理如此與人交 食其原禄亦解不受其見於氣節如此先生之産悉讓 太守丁其謝而留之不能得年公景陽悍攝鄞學事而 而介然有守初為四明儒學訓導或一言少件處引去 自給二兄年幾八十數致於家奉之如父馬疾病必親 久而益敬有善稱之極口有不善颠掩之而不言歲時 一兄其質而用資復之者亦不預也就屋城中居講學

金万匹四百重

盡出所業以授學者戒之曰學在我爵禄系之天柳公 壽命也烏可贖祀徼福哉傅竟差咸服其明平生於書 葉若干卷藏於家初國家以六科取士有司以先生仲 道傅黄公晉卿危公太朴尤推重之浙東愈憲史公季 謹於祭祀而不惑鬼神幼子傅遇疾或勸其禱者曰天 子章應韶謂之日吾賴女等以終餘日今與女決矣獨 衡亦以其才可登館閣欲薦弗果早號與雪子有與雪 無不讀為文婉而有法當舉有司不售遂不復践場屋 清江文集

清白自持因嗚吃泣下由是得疾臨沒呼好等戒日吾 念女未知從政也或以吾老可歸幸矣脱不女聽其以 自河朔府君以來傳十二世歷四百年幸不墜遺緒今 尤高属千仞砥撐衆流黄山之原有封 稼也不必其有秋學也匪禄之是謀出處以時奚悔 及乎革命而凋落殆盡求其益遠益振如先生幾何 死矣爾尚勉之哉嗚呼宋之南渡衣冠大族萃於東南 耶是宜銘銘曰 京南各族 四次合作者

金云四月全書

卷三十

清風莫儔 家馬曾祖嶸祖遜父善孫自號處士母趙氏宋宗室秦 弟真走見余泣曰惟先生哀而銘之按狀蔣氏世居淮 葬於令當用碣而未能表其德於不朽其子駒以狀授 之光州光山有諱光者徒居毗陵以董昌亂徒於鄞因 故處州路儒學教授鄭先生覺民字以道妻蔣氏卒既 王伯升之後夫人益處士之季女特種愛而以道蔣出 うえいに 故處州路儒學教授鄭以道先生妻蔣氏碣銘 清江文集

尤難也歲時佐祭祀必以禮遇宗族鄉黨必以恩夫之 貴人成異而薦之起為文學據清苦之節晚而益屬夫 沒勇慶元學録芳叔病累年不起奉之益謹學録公因 侍左右不少懈而以道每旦往省必以古秪之遂明姑 也弱冠好學績文處士遂以歸之屬姑目告不能視日 公既沒以道服関講學於旁色久之去遊金陵而達官 日新婦孝敬如此異日當使有子若孫以祚吾門學録 一勞不辭於體愠不見於色可謂能安其分者在婦

多定匹庫全書

莅之嘗欲結廬墓側以居而不克就俄一日天大風日 晦無色晨起監櫛如常時至千不疾而卒年六十有九 棺象及一子繼亡飲之如其母馬且為嫁女 合非子男三人長駒金華 生於有元大德五年辛五六月二十六日卒於大明 疾革夫人以憂成疾殆者數四既愈葬祭之事悉親 たしフラー ことこ 年十月十九日明年十月附葬鄞之西魯山與夫 適趙氏者久病風問候無缺其死也出首節為 一人後以

武五年秋應有司舉以春秋經冠東南九府之士今為 **升東升允升復升孫女三長適王公權餘俱幼嗚呼** 鳳陽府臨淮縣儒學教諭次風平凉會寧州遊浪縣簿 夫人之六世祖也玩生台州通判贈中奉大夫梗梗生 明次子璿與弟玩繼昼紹聖崇寧進去第其師陳忠蘭 氏為四明大族在宋時則有沒明贈金紫光禄大夫沒 公雅為扁其堂曰聯桂審贈中大夫玩贈宣奉大夫夏 人長適同里劉濬次適天台葉亮孫男五翁升同

弘定四月全書

卷三十

世次有可考者如此故生令女以嬪名門婦道母儀為 學士奉王隆觀致住官正奉大夫以夫人為曾伯祖其 慶元丙辰第歷侍御史諫議大夫刑部尚書以實章閣 鄉里法而又通詩書大義當以道啟獨而雨泣曰古者 南昌通判贈太中大夫如愚則其高祖也如愚生見中 婉婉淑姿蘇於名門如玉不琢中含粹温為婦可儀為 雨不克葬為無備也故在廟未發時得為雨止今若之 何遂行觀者以為知禮云銘曰 可事心時 清江文集

宋之南文獻故家多萃於四明而世其學者有王公叔 崔嵬世久不刊 金、足口匠石電 其言行整鑿可考遂初者叔載所自號也然不獲 母可師夏生三鳳亦顯於時西恩之山玄堂孔安有碣 之而變故今粹然皆出於正無陸氏偏駁之弊而叔載 載馬益自厚齊尚書倡學者以考亭朱氏之說一時從 人能守之不失常讀臨濠教諭鄭真所者遂初老人傳 故福建儒學副提舉王公墓誌銘

并書以使者來中都為請曰惟是不肖孤方斬馬在衰 以終遠近悼之既葬之明年其子陞謀立石墓道而以 按状公諱厚字叔載姓王氏其先那那人至宋徒居開 文詞顯於今而信於後者莫若國子助教貝瓊乃授比 於鄞曾祖為吏部郎中崇政殿說書祖應麟中 封高祖安道保信軍承宣使靖康之變扈從南渡始家 ここうる たたう 且不朽而尚書公亦有光馬余辭不獲逐次第而為銘 経中不得匍匐走謁館下惟先生哀而銘之庶先人死 清江文集

學宏詞科歷事三朝官至翰林學士禮部尚書號厚齋 禮記并閱尚書深寧集習經義詞賦操筆立就鄉先生 見馬元延祐初科制行改治詩經初李國博元白授 王食判叔和趙太杜孟何戴教授表元聞而異之因 祖如某氏祖此舒氏戴氏皆贈碩人母楊氏公幼而知 父昌世承務郎人皆稱承奉公黄文憲公為志其墓曾 八歲能賦詩讀書日記數百言十歲已竟論孟詩書 公璘王與舒李世親盡得其原委久盖方 詩

銀分四月全書

虚誕之風先生宜懲其弊以新士習文清著四明志命 里多咨問之表文清公桶自翰林歸里第報問所學對 博治凡性命治道禮樂法制及臺閣典故世胄譜謀鄉 人耳目所不及乃籍口理學以文寡陋高談閥視漸成 守也因言世之學者稍涉未子數書輕抵淳熙諸老與 朱子同時其言論雖不盡合而博聞夏踐為所推許今 衍義正宗意有所得以其明潔鎮密有成法易知而可 ハ・うこここよう 曰近與漁洛關輔建安西蜀諸書稍已通習惟讀書記 清江文集

代高下得失甚備文清大喜復閱其文作而數曰先師 之道兹不墜矣皆為郡庠訓導演說名理辨析疑難諸 出衆手奸能遺漏欲以傳信久遠豈不難手因歷舉 歸紀事貴詳不為繁修詞有要不為簡彼謏聞寡見雜 古也作史必曰三長年代協體統之會人物萃品題之 生悅服往時博士朔望講義就章立題卒一篇而止公 同出異名自有編年司馬氏為記傳隋志始稱正史非 公分撰二考且言子家世太史亦嘗究心否曰經與史

致定匹庫全書

學公辭都司年應龍謂之曰先儒謂錢殼亦為已之學 北小河南山村 江教諭瑜月即去官歸奉母時朝廷遣大臣李國鳳經 宣慰司拔授象山教授考數田租侵漁者不復逞調浦 巧然時之知者益寡矣浙東廉訪司副使曾某署郡直 者竦然嘗三試不偶即棄去舉子業用詞學十二體為 病其拘取四書五經關世教者為之直說抑揚及應開 古文本之三代兩漢博以唐宋諸家屬詞有法絕去雕)乃就職塗田砂岸先侵於豪民者悉陳而復之盈考 清江文集

次請於圖師發梓并他書十二種以傳來文清公所 最為詳治未脱葉而失後復得之中多關誤公考完編 為儒學副提舉皆不赴既老當語人曰天地生人之 授而中書後用外臣薦除邵武路教授福建分省又陞 累江南以便宜用遺逸有司以公名上即署衢州路教 四明志或有讒於食事苦思丁將毀其板公白太守王 遂其初斯足矣乃號遂初老人云尚書富於著述玉海 吾不得而知也可知者理而已理之在人初非不善克 初

多分四月子書

浸盛觀者謂紹與以來的見於此而先王之教循存也 吉祥寺僧所據白諸有司僧以田歸我歲入逐充其禮 飲酒禮久廢太守用程先生端禮言屬公與鄭先生覺 以進愈事驚悔命與舊志並行公為成續志若干卷鄉 民考訂一遵儀禮用賓與歲行之以經費不足而田為 公天性質直人有過則面折至發赤品列人之賢否不 元恭曰衣公中朝名臣書法高古不可毀也元恭持書 以勢位高下為輕重不以待遇厚薄為是非送死厚於

次定四事全替一人

清江文集

史官詮次弗當欲為釐正尤極論奉化陳經續通鑑前 年益以詩酒自娱客至論宋季事疊疊不倦且及至正 惡非所望於汝也大明洪武九年丙辰三月十日卒享 通矯時干譽以為高患得患失以終其身者此吾所深 後之失有逐初葉三十卷藏於家戒其子陸隔曰承家 奉生恤小寫於事大報德甚於念惡勇退急於超進晚 欺讀書當貫古今處世必審進退其有同流合汙以為 不在名位而在不失身敬身不在外貌表暴而在毋自

次正四軍公馬 垂後無疑也故特擬其大縣而事之具於傳者可略銘 之學惟尚書之廣博精深論者謂無東來西山二家之 月十四日葬於鄞縣先瑩之右與史氏合兆嗚呼四明 無子遺命與同葬女一適戒其孫男一初孫以是年四 年七十有七妻史氏系出相家與公合徳先公卒子 長非衣楊所能及而公克繼其傳雖不見之所施足以 人長陞次騰騰為弟寧孫後寧孫通春秋詩二經早至 清江文集 j

詩酒概彼里豪貪縱賜張盈必易覆煙消雨茫惟吾逐 得失寧辨本棄末務內忘外鍵三年象山遠近是咨太 其光彩所蓄之富浩乎淵海昭昭大中或為異同倡而 王氏之先世居那那再徒于鄞縣儒起家建尚書公耀 初初豈不善年通七泰雖晦益顯鬱鬱堂封在彼高原 夫有友學者有師時既不偶宜退奚久日遊以嬉託意 守人亦有言惟祖惟孫不襲以爵道實惟尊紛紛黃小 正之畔者斯從偉哉权載克紹於後遺編快豪既習而

まりロアノニー

次至四年在日 一歲大疫比問中戒相過輛率醫往視或與致於家既愈 處士諱性字可善姓韓氏世居明之定海後徒於鄞遂 其門鄉人有公私通不能價為代輸之卒竟不責其歸 祖其曾祖此其氏處士天性重厚遇物以誠不事表暴 為鄞人父某一 **五行餘慶以利後昆** 一雖薄而周窮恤匱婚無以為資丧無以為禮必謁 故韓處士碣銘 號妙心居士母陸氏祖某祖此某氏曾 清江文集

之何如耳既而克自樹立逐與軒輕上下而好義勝之 十裁有其一二人病不均曰吾豈爱吾質邪顏所以處 事得失即領其要初妙心居士娶陸氏生兄其又娶樓 居家時當於隱處獲盜遺美珠升許悉還其兄秦祭無 氏生處士而兄以塗人遇之稍長即異居家素饒於貲 若干部為義莊以收族人建義塾以教子弟會兵與弗 果成所交多鴻生碩士少雖不學而喜聞論史鑑至行 而遣之未當有於色於是皆稱曰長者長者又規置田

金次にたる言

世不分處士感而慕之假使其兄能推其心則一門 雖湯火在前亦不能止乃推吾所當得以與人真知其 諸彼悲夫有别墅在城東羅植眾卉數遊其中浹旬忘 所輕重哉處士在外凡若干年而事親敬長之禮朝夕 友見於風俗既壞之餘卓然為東南望不知反此而求 無缺浙西無訪司愈事浦江鄭公浚當抵其家喜其為 私嗚呼利者人之所必爭也故在人者且將攫而攘 くれついか たよう 因遺以磨溪集遂取為子孫法益鄭氏兄弟争死十 清江文集 늅

金定四届全書 於元延祐六年十一月十八日卒於大明洪武八年六 黎明呼從者治具從者請沃盟弗應視之則已逝矣牛 反一日道逢金華故老相搞度東津至所居家譚通夕 祖些之側里人將朴為次第其行夏來請銘勒諸石銘 月十日享年五十有七善養其號云娶陳氏生子三 長英次章次主女二人一適楊恒一適應彌通孫男 八本孫女四人英將以十年某月某日葬於鄞之某原

熟不積校黍纍利之盈滋禍媒嗟處士無留貲急人患 猶渴飢全吾天誠無欺力樹德百世儀鄞之阡石巍巍 上海徐居士卒若干年其子垕走二千里見余太學泣 **俾來者觀銘詩** 故徐居士碣銘

没先人之善無以白之於不朽其罪重矣惟先生直筆

信於天下敢以銘請乃受其狀讀之則前進士華亭

清江文集

且拜曰先人葬於某年其月其日而墓碣之辭猶缺是

飲定四庫全書

當遇疾醫禱無應乃到股脈藥以進府君尋愈嚴於治 諱誠字信之姓徐氏世居松江之上海曾大父某大父 瑱所述又足信者遂為之次第其行事而銘之按居士 施周三族之貧者會鄉里之不能婚嫁者字其幼而孙 某父金玉局大使姚褚氏居士以節儉起家鉄積絲累 家具有儀法既富益自貶所奉如初未當過豐惟樂販 至有田二萬弘他貨無算遂雄一 者病予之藥死給之档汲汲如不及庚午辛未歲大 鄉性至孝局使府君

往來人不為病嗚呼三吳之大姓非一莫不剥下而自 持五戒不衰益以慈爱為主時出見漁獵所獲軟售面 禁養居學佛之徒松江俗多事佛而居士尤信之深常 事屬二子日轉法華經積至千萬卷復發梓印施四方 為鐘粥以食飢者活萬餘人由是以積善聞州府皆稱 即定四車全書 ~ 縱之大溪長林間所居之地多重洲複浦為梁木以通 居士而不字馬年四十有六即屏妻妾斷軍內以內外 封黨權而樹威尠知推一毫為利人事居士能仁其族 清江文集

善人亡已生於至元十五年戊寅閏十二月二日卒於 麟震孫女三人淑宜妙德妙貞曾孫男三弘正炳文曾 在上海之長人鄉前達經之原要王氏姜氏皆先卒子 男堅王出也宜姜出也女一壻王顯孫男三人明早本 至正二十二年壬寅三月十九日享年八十有六其葬

壽必戒以務本好學云及卒童養無親疎奔走號動曰

哉年既耄幅中杖黎逍遥果林花園子孫歲時奉鶴為

以及人而羽毛鱗介且不忍其死視彼之暴豈直相萬

善或暴而爭或活而傾不暴不治慈儉是程前涇之 一勞無俸始大其家歲儲億萬億萬則有以及飢寒茍私 **水安體魄有刻不磨過者宜式** 川積而盈山積而雄必有其漸迄於成功居士之生服 身我德曷延堅持五戒法華日轉匪福之徽求善斯 こりをなう , 諱恕姓吴氏世居四明之奉化祖某父清之毋朱 人壽奴妙正銘曰 戴克敬妻吴氏墓碣 清江文集

給其困乏不計有無或貨栗不能償者未當為言訓諸 子尤嚴無姑息意婦道母道殆無愧馬洪武五年六月 夜歸必以其事語之善則勸之行而止其不可行者為 自殯至葬事必親之歲時祭祀尤盡其敬後病為少衰 以為獲神之成克敬為貧而仕歷廉訪司海道府旦出 士之子也體素羸弱多病而善事舅姑不怠舅姑既没 助亦多性好節儉禄之所入為益置田宅宗族鄉黨恒 氏年十九歸於同里戴克敬氏判源先生之孫壽卿處

金分四月分言

卷三十

其人乎七年九月丙午穿電將葬是夕宿山上復夢 之山拱水趨精地理者極稱生氣之所種聚豈造物待 方立券歸徐其既覺頗怪其異後果遇二人因購而得 次溥次海濟娶吴氏濟娶陳氏漢娶毛氏女二人長薨 人宗權宗柱宗樞宗捏初克敬卜葬龍潭山以科祖學 又卜他穴皆不叶一夕夢僧指葬地曰此張山主張氏 このリランルラ 一對縣儒學教諭毛泉次泳適沈會亦儒家子孫男四 一日以疾卒享年五十有五子五人長濟次濟次漢 清江文集

金定四库全書 我作銘詩刻堅石子孫其昌水十億 年胡不遐瑜五泰夢符之山兆既食神人所告此為宅 名都姝麗不善積木偶巧以珠玉飾四明吴氏崇儉德 其山曰符夢山云銘曰 老人大呼曰涸澡宜淺即從之及閱書與所言合乃名 為婦為毋行靡忒義周困乏無跡戚男誦女絲各有職 祐字思順姓周氏其先汴人五世祖燧宋機 故貞孝處士周公墓志銘

官靖康末扈從高宗南度占籍於杭曾祖淳一曾祖姚 其氏祖道誠祖姚某氏父公美姚姚氏初公美年既高 無子禱於山川之神一夕夢神人賜以白石而姚氏娘 數千言後受易於異與宇文子貞以三舉有司報斥其 公閱十四月生公幼顏悟異常兒稍長好學讀書日記 以榮辱吾邪學至而得之者宜也非幸也其失之者命 有不如已者往往皆先登因而數曰科舉之得失豈足

大臣の事ない

也學不至而失之者亦宜也非不幸也其得之者命 清江文集

饒又推思宗族殯無歸者五喪嫁甥女之孙而貧者監 金罗巴尼人 歲七月十八日以是月三十日葬茅家山祖壁之側享 置酒酣宴放而不越於禮或里中有爭者報喻而解之 察御史李完者薦於朝授嘉與路崇德州之倅不赴築 右不去密傳諸祠乞以身代死親没哀毀踰禮其產頗 即棄所業文不復為居家以孝聞父母有疾晝夜侍左 人為無訟洪武四年七月十七日以疾終生於元癸亥 室漁溪之上耕釣自適縉紳士多造其門歲時會稚產

嗚呼處士其才孔有而時之不偶也其積既厚而年 年四十有九娶朱氏子二人長惟敬次惟讓女三人 適孫景義次通李景忠其一未行孫男一 欠日日草をいう 咎也刻石墓道庶存而不朽也 也與之遊者私為之諡曰貞孝處士以著其實云銘曰 不久也穀價於畝而殖此稂莠也天默默以黝吾將安 施又竟奪其年而止於是乎天之報施恒圖於善 八鳴呼以公之學行過人而與時件如雲雷之蓄不獲 清江文集 孟珍孫女二 Ŧ

撫各道時括着奇士黄南岫先生以策謁見其目有十 金グロノファ 賦與武舉作士氣結人心磊落數十言明白凱切可以 起海内分裂中書省参知政事布延持楊爾布古內臺 救亂於未形與治於將來而大臣暗不能用及豪傑並 口嚴選舉華貪污除吏弊抑無并省**冗官汰僧道**覈田 在昔元之李世國家日就陵夷紀綱不振方遣大臣宣 黄南岫先生墓誌銘 御史李國鳳景儀奉詔經略江南得先生十節 卷三十

獨隱居教授老關食浙東底訪司事時舉為麗水儒學 林定老相為師友三先生皆擢進士第而先生性剛直 薦而起之則已病矣初先生與懷王鄭原善同里葉峴 觀之數曰世未嘗無經濟才上之人顧棄而弗求耳欲 觀甚偉美髯過膝議論慷慨自謂行天下未見有如此 教諭不就中州李彦方持部使者節至郡因見先生儀 不可犯疾惡如警見善颠稱之不已故與時落落不合 竟不住家卒識者恨之生於某年某月其日卒 青工之集

意詩書類編要語天文地志官制皆有類要及古今人 某其生某大父韓國華以好義稱父韓祖先生生而領 許事評事生輝廸功即南康司理司理生師恩師恩生 悟於書無所不讀尤逐於易所著有四書聚要讀易大 與可先由剛徒處州之麗水九世祖其宋承直郎大理 都求國子助教員瓊為銘勒諸墓石按狀先生諱許字 於宅東之葉衙閱十二年其孫今秦府紀善夢池來中 **壬寅四月二十八日享年八十以丁未歲其月某日葬**

一致定匹庫全書 一个

將獻大計使能行之則可中與以復至元之威而莫之 古艾孫女一曾孫四編維網屬所居弱溪又日南原讀 壁晚養若干卷為文一本於理不事華靡前沒之時擬 詩文四六駢儷類選先居先府君墓側石壁山下有 書之堂前直南山因稱南岫先生而不字也嗚呼王紫 彬次文全孫男四人夢池夢康夢裴夢其夢池好學工 陶靖節作輓詩二解娶魏氏屠氏皆先卒子二人長文 之衰也必有知微之君子先事而憂此先生當至正問

欽定四庫全書 御之善也王良是求爽之工也必師夫秋舍之而敗吾 術之原有土一邱惟積之既封子孫百世之後式延其 將安尤方亂之初生先生獨見於未形而弗咨弗謀宣 察馬託至於亡豈非天邪銘曰 人之惡直而悅彼传柔抑廢與有時將壞爛而莫收葉 故處士溧水徒君彦和誄

氏一門四世好如琴瑟及墨有弟鑒疾将不起而墨與 非勉而後至也若溧水徒處士墨者其始庶幾乎按徒 其所簿也以其年其月卒其月其日葬於荆唐阡蘭推 文之薦非其無退之可見者數其行足以儀於人其節 中號稱長者至辭太守李行之招止御史彭叔儀李孝 同飲食起居者三年非其孝友之可見者數其在鄉里 欠こり ライナラー 史録法真於漢卓乎特時百代有光然皆出於所禀信 可以高於世而閱牆之兄弟盍為之戒繼踵之士必敦 清江文集

祖惟父飲華不仕植木既滋係敷葉散一 落其羽毛鴻翔千仞方夷並髙處士得姓古司徒氏惟 弗懲以貨爭豪一室蕭然翳於達萬有琴有書咏歌以 世相襲居約志伸卓馬靡及蠅溺於汁猩斃於醪人 邀矣先民出處有時豈其好速違中立奇惟徒處士曠 為之誄用著厥美辭曰 陷州伯臨門中谷深逃匪招馬往彌敦所操寧為人羈 門四世總麻 胡胡

金分口尼台書

玉碎豈不痛哉余懼綴文之士舉其一而遺其二也私

卷三十

濯足寒泉積之已豐奚奪其年天豈余欺禍福斯等鳴 前僵屍膏野百里無煙去而避之雲鶴之顛損秀陽岡 雙一残忍無親乃私其室蔑我天倫我無其家其施既釣 呼哀哉昔君之存孔直且和閉關留客縱以酣歌君 虎爭王室亦顛大江東西遠近兵連電激雷奔轨過其 同姜被三稔於兹活於陷死天壽雖命微君其鬼羣雄 或倡而和熙熙如春有弟遘疾屢頓弗起晝接几遊夕 同爨伯叔雖異實同一人呻吟不寧通於我身如何相 į 商工と表

都定匹庫全書 雖未融名終不磨嗚呼哀哉 悲風折柯行道與嗟雨泣滂沱回視一世所存熟多道 該疾而弗治良醫奈何靈斬發軌封於山阿素旗揚揚 君子之所以至於無過者其惟慎乎馮道戒唐明宗曰 有言貴賤同波不樂徒憂白日已俄神仙有無世種其 歸田黨 慎癬記 書記時奉使中山過井四之 卷三十二 **险懼馬蹶**

莫之悔也子方時是而秦溪馬彦中氏闢室為讀書之 險之不濟何否之不通乎奈何縱肆無防往往蹈危而 之訓於人當知所慎馬矣大抵國之理亂身之榮辱事 大節固為天下後世之所譏其言則不可廢也余故取 敢怠於街轡及至平路遂跌而傷凡蹈危者應深而獲 記非一矣使古今之人首知所戒守於此而應於彼 之成敗法之修否皆繁於慎不慎之分著於經見於傳 全居安者患生於所忽道之更歷五朝八姓無人臣之

たこり見いまう

清江文集

孟

所開以賣告之嗚呼有所畏而慎之者慎於已然無所 事之小慎於未形者斯能一始終表裏而無間矣兹於 畏而慎之者慎於未形慎於已然者不過一時之近一 所顏之曰慎齊日延鴻生碩士反復考亭未子之說以 好學長克樹立上奉八十之母成稱其孝至於中年 用功之密始過於常人如此復求余記以申其說姑舉 沂中庸大學之要自一念之發充之無一不致其所慎 特嘉而與之尚勉而無畫可也是為記彦中少孙

金月四月子書

表三十

とこりる からう 見之矣居於倚廬寢苫枕塊其疾痛之情為何如哉所 中乃不辭而復之曰古者父母死送往而这不可得而 遂以書來質於貝瓊且求文以為記余書讀李翱去佛 以內外事屬其二子而以琴榑壺天自樂云 論欲申其義以正是非得失久未克就令其言適契於 俱廢由是獨違衆行之而盡革其所為顏其堂曰復古 秦溪儒者馬彦章氏深病時俗惑於浮屠而丧祭之禮 復古堂記 清江文集

邀福活昏之鬼而小祥大祥設道場越宿以薦之雖破 明風俗大壞自飲至殯必主浮屠之法至有七七裔以 見乎其位周旋出户肅然必有聞乎其容聲出户而聽 産不吝異誠免 祭則觀其敬與時也斯為孝子之夏去古既遠王教不 謂丧則觀其哀也至其祭也合諸天地不過數而失於 煩不過疏而失於怠而齊以致其嚴肅入室傻然必有 於輪迴吾不知其何說也嗚呼氣之方 謂

金豆四月全書

卷三十

邪然其言之行於世也已久而病之盡於人也已深使 者得以復生惡有已熄之火而復然已仆之木而復起 聚則神形之既減則思是理之常無足怪者而彼謂死 洛僅化其一二則其不信而化者固衆也豈不悲乎疹 之心況區區舉吾儒教以與之爭必不勝矣故伊川在 天下淪胥于異教使聖人出而治之亦未能回其陷溺 章思復古之不易復也專取考亭未子所定家禮為矯 數十百年之非正之於一旦可謂豪傑之士愈於俗儒

大三日年在上了

清江文集

金万世是台雪里 平余幸見若人於所未見之時爲得不喜談而樂道哉 弗能及也矣而鄉黨習俗之弊或議而非之者抑豈少 道不可以獨善必將推以及乎人故隱非君子之所欲 客有問於余曰跡雲林而心市朝其隱而媒仕者乎曰 狄之禮為可去也於是乎書 舍此而附彼者非見之明信之萬得於天資學力之至 庶幾聞其風而有所感慕與起焉先王之制為可復戎 雲林解 卷三十

哉或疑其號之勿稱也曰致和家廬江之上有大小蜀 雲林以絕物為高在而不返固非義矣必於市朝以殉 久居必將飲而法乎天故仕尤君子之所懼也茍必於 也口跡市朝而志雲林其仕而求隱者手曰功不可以 所適奚翅盧鴻之在終南李渤之在少室司空圖之在 山之秀輔以雞鳴龍穴於是讀書其中若干年而意之 物為通進而不止又豈足與邪曰若李侯致和者何如 7/2 JOIN /_ 1 | | 王官谷李白之在匡廬司馬承禎之在天台也遂以雲 清江文集

到定四库全書 | 初當天子偃革修文乃翻然而起上下推之由簿書至 若泥其迹而論之不若求其心而舍其迹之愈也客之 嘉與郡幕長亦其時也夫時隱而隱未始忘乎仕時仕 林自號且將抗志風塵之表而萬鍾不足以累焉洪武 疑逐釋起而謝曰先生之言至矣因書為雲林解以貽 而仕未始忘乎隱卷舒進退合乎道之當然毋足怪者 贈龜師朱子中亭 卷三十

於傅聖入豈以人為不足信而信區區歲久之伏龜邪 决天下之大疑定天下之大事必取於卜馬見於經著 今之上者亦能即其北而觀之古山定於前而徵於後 之至公既謀之人復參之龜天人相協疑可得而決事 欠こりうこう こ 而辱其身是皆違天之過也然則龜可廢哉惜其龜書 不傳而僅存三易於世故孔子特詳於着而不及龜耳 抑龜之靈殆過於人人固弗靈於龜也益龜至公合天 可得而定已晉獻公不能從而禍其國楚靈王不能從 清江文集

|達東阡西陌之上則其言為不誣矣因為論以張之嗟 之洪武十一年春果以病免獲托田里與農夫野老道 都生三年四方學者悦其名而不考其實咸推尊而師 一鬱而方施乃耀其奇無異而飛無足而馳五稔其來歸 余雖未信竊識之於中既而為國子助教一年分教中 利多奇中遠近稱之初余赴京師子中為卜之曰吉久 非精其術而能之乎構李朱子中氏世業上居於城南 凡仕者必往而上質而求贏者必上疾疫者必卜利勿

壽成詠歌以传之而記未有所屬也及余自京師歸遂 貴賤必造馬其樹德也厚其取利也廉當名其堂曰同 擇建立卜筮人乃命卜筮記曰人而無恒不可以作龜 崇德之鳳鳴里有蔡公惠氏業醫五氏矣凡疾病者無 乎龜之可信如此能傳龜之意者亦在乎人而已轉曰 尋常之夫數於是平書 下夫恒則業必專若子中者豈非上恒而專異夫市井 同壽堂記

宣不仁於函人哉失人惟恐不傷人函人惟恐傷人巫 論馬人之常情熟不欲上壽也不可必得至於中壽斯 來為請余聞上壽百歲中壽八十下壽六十而天殤弗 是出於天者已皆不同豎者顧欲使之同壽何哉豈天 之一定暴如蹠蹻惡乎而放之仁如顏子烏乎而與之 足矣孰不欲中壽也不可必得至於下壽斯足矣益分 有不及而猶待於人也然可以觀其仁矣孟子曰失人 **近亦然故術不可不慎也若醫之為術為能全吾之仁**

一金定四庫全書

問答之書以至張仲景劉守真諸家之論參考旁通而 **歟嗚乎全吾之仁亦在乎術之精而已故自黄帝雷公** 造化在我而壽之不同者獲登於期义豈不有功於天 者使之強屈者使之伸危者使之安學不厄於天殤則 疾之淺深治之緩急無一毫之偏於是虚者使之充弱 者也公惠自其曾伯祖梅友在宋中醫科仕至防禦使 其大父君夏克繼其學因集心法所傳釐為若干卷曰 邪不然往往反其所用欲求不死而速其死此醫之拙

钦正四事全書-

重りにたべて 施仁術足以活一方之人故相之與醫雖非等倫其心 施仁政足以活天下之人良醫位甲勢之所及者近茍 **参言也哉是為記** 同壽秘實方至公惠而聲譽益著其傳為可知矣古人 云不為良相必為良醫夫良相位尊勢之所及者廣苟 耳吾於公惠原其心而卜其術所謂同壽者又豈 戴禮當從余遊京師从而不樂乃歸楊李之西除 耕學齋記 卷三十

|次定四車全書-苦貧賤者耕而必學故袁閱以司徒四世之孫方諸兄 由是事岐而二矣可勝歎邪其或忘富貴者學而必耕 孫亦未當不學馬所以士之升於公者往往多出於農 者遂題其室曰耕學來求其說余當考之古者井田之 治碗瘠地數畝以自給暇則閉户讀書殆與世者相忘 飲射讀法至老而無聞也益自秦以來始變先王之舊 非若後世坐談禮樂不知樹藝之勞而緣南畝者其於 法固無不耕之民而黨库術亭又申孝悌之數則其子 清江文集

知道矣惜余又未見之也今禮當皇朝革命之 哉茍有忘於此進則如寬之仕退則如閉之隱庶乎其 此忘富貴而然也然二家志雖大而無遠略力雖強而 朝幕不廢此苦貧賤而然也卒顯於漢位至御史大夫 紹術各據數州之地乃退於田里豈其才之有弗遠邪 回視向之為伍者邀乎熊雀之在下則其榮辱為何如 守則其得失為何如哉若兒寬未達而傭也帶經幹鋤 無成功千載之下論者不高紹術之所為獨高閱之所

卷三十

及足の軍人時 競進超然遠引熟測底蘊之淺深數故歷舉古今言之 豆也樂不假於金絲匏竹也儀不假於揖讓進退也豈 文而偽孰與質而野哉觀夫田夫野老相詢茂林之下 文文則偽以簡為貴必過於質質則野較二者之弊使 凡禮有以厚為貴者有以簡為贵者以厚為貴必過於 余雖老矣尚能相從東阡西陌之上共樂其樂云 一笑雕然無忤益其真意所存器不假於鼎匹组 真率軒記 清江文集 手二

恒甲屈以為恭而欲真率處之人將佛然不悅吾懼其 天下之喪其真也久矣在上者或尊嚴以為威在下者 法先正以真率名軒求余為之記故舉其說如此嗚呼 實未常薄也其相與一本於誠而已苟推是道無往而 忘其宰相之尊而等於田夫野老當為真率之會危酒 非合於古數宋司馬温公與文路公富鄭公革在洛時 不真率也欺詐之習亡矣今天官史錢唐葉時中者取 內得盡其歡雖若簡而禮實未嘗簡也雖若薄而意

書之室右為煉藥之房遂題之以今名云余當放舟過 |违行六七里上有桑稻之村居人星散雞犬相聞彷彿 一架溪則崇德之水而介乎二境之間其旁流又折而南 てい コミニン・トラ 絕境之在物外者子方擇其勝處構堂若干楹左為讀 溪雲草堂者海昌郭子方氏之新居也海昌在崇德南 可嘉矣於是乎書 一時也而時中始將復古為事尚質而不尚文兹 溪雲草堂記 清江文集

者始無以過是休坐之頃引為實客而塵埃野馬弗 之而不得排於前而後復合斷於上而下復繼凡幽人 | 致定匹庫全書| 處士之 或隱或見於空濛中此其第一曲也及沿流以窮其所 蒸如煙如霧如海濤被覆兩厓不見林木而漁篷野艇 至則雲之見於朝暮者尤箭鬱非一狀執之而不可玩 之道狹而迁僅一帶耳魚鼈之所居科斗之所儲疑其 不能為雲類山川之有神靈者方時之將雨渤渤然上 蘆藩離皆雲也寫戶皆雲也雖出於山騰於川

子宜取之以書卷舒之道馬則與雲為一矣子方尚勉 通於理矣惟其隨時而莫知其神澤物而莫知其德君 天下之物本於無而形於有有者卒歸於無別雲之忽 至因觞於堂上求文為記遂書其所見如此復徐思之 吾前矣並溪之人未有知者子方乃專而有之喜余之 起忽滅忽來忽往哉彼既強名之余復強言以寔之非 ところらいら 清江文集

